



Միջոցառման հաշվետվություն

Անվանումը

«Անձի ֆունկցիոնալության գնահատման համակարգի ներդրման գործընթացում ներգրավված գերատեսչությունների միջև ֆունկցիոնալության գնահատման և ծառայությունների տրամադրման համակարգման նպատակով տեղեկատվության փոխանակում» աշխատանքային քննարկում

Նպատակներ

Անձի ֆունկցիոնալության գնահատման համակարգի ներդրման համատեքստում երեխաների և չափահասների ֆունկցիոնալության գնահատման և տրամադրվող ծառայությունների համակարգման նպատակով ՀՀ ԱՍՀՆ, ՀՀ ԱՆ և ՀՀ ԿԳՄՍՆ միջև քննարկել և համաձայնություն ձեռք բերել.

- տեղեկատվության փոխանակման ընթացակարգերի,
- փոխանակման ենթակա տեղեկատվության բովանդակության, ձևաչափի, ժամկետների և անհրաժեշտ ռեսուրսների վերաբերյալ:

Ինչպես նաև հստակեցնել տեղեկատվության փոխանակման համար պատասխանատուներին:

Ամսաթիվ

Նոյեմբեր 25-26, 2019 թվական

Վայրը

«Անի Գրանտ Հոթել» հյուրանոց

Վարողները

Գեմաֆին Գասպարյան, ՀՀ աշխատանքի և սոցիալական հարցերի նախարարի առաջին տեղակալ
Աննա Հակոբյան, ՀՀ ԱՍՀՆ, Հաշմանդամների հիմնահարցերի բաժնի պետ:

Ծրագիր

ՅՈՒՆԻՍԵֆ Հայաստանի ֆինանսավորմամբ իրականացվող «Հաշմանդամության սահմանման գործիքների ու մեթոդաբանության ներդաշնակեցում և հաշմանդամություն ունեցող երեխաների մասին միջոլորտային տեղեկատվության փոխանակման և տվյալների կառավարման համակարգի ձևավորում» ծրագիր

Տրամադրված նյութեր

Մասնակիցներին ներկայացվել է անձի ֆունկցիոնալության գնահատման համակարգի ներդրման աշխատանքների ընթացքը, ESI խորհրդատվական ընկերության կողմից իրականացված երկու ուսումնասիրությունների արդյունքները՝ «Հայաստանում հաշմանդամություն ունեցող երեխաների վերաբերյալ տվյալների առկայությունը և տվյալների փոխանակման բացերը» և «Կրթության առանձնահատուկ պայմանների կարիքի գնահատման արդյունքների արձանագրման գործող և առաջարկվող մեթոդների համեմատությունը»:

ԿԱՊԿ գնահատման նոր համակարգը, edisability համակարգը և e-health համակարգը:

Հաշմանդամության գնահատման համակարգի բարեփոխումների և անձի ֆունկցիոնալության գնահատման համակարգի ներդրման ծրագիրը:

Միջգերատեսչական տեղեկատվության փոխանակման քարտեզը՝ փոխանակվման համար նախատեսվող տեղեկատվության ցանկով:

Մասնակիցները

Հաշմանդամության գնահատման համակարգի բարեփոխումների և անձի ֆունկցիոնալության գնահատման համակարգի ներդրման աշխատանքներն ապահովելու նպատակով ստեղծված միջգերատեսչական փորձագիտական աշխատանքային խմբի անդամներ, համապատասխան գերատեսչությունների ստորաբաժանումների և ոլորտում ներգրավված հասարակական կազմարեպությունների ներկայացուցիչներ:

Արդյունքները

Անձի ֆունկցիոնալության գնահատման համակարգի ներդրման գործընթացում ներգրավված գերատեսչությունների և նրանց ստորաբաժանումների միջև ծավալվեց արդյունավետ քննարկում և նախագծվեցին անձի/երեխայի ֆունկցիոնալության բազմակողմանի գնահատման և ծառայությունների տրամադրման համար.

- անհրաժեշտ տեղեկատվության բովանդակությունը,
- պատասխանատուները,
- տեղեկատվության փոխանակման ձևաչափը, գործիքները և ժամկետները:

Համաձայնություն ձեռք բերվեց մանրամասնել փոխանակվող տեղեկատվության ցանկերը (յուրաքանչյուր գերատեսչություն կներկայացնի իրեն անհրաժեշտ տվյալների ցանկը) և ներկայացնել առաջարկություններ համապատասխան իրավական ակտերում փոփոխություններ կատարելու վերաբերյալ, որոնցով պետք է կանոնակարգվեն և սահմանվեն տեղեկատվության փոխանակման գործընթացները և նշանակվեն պատասխանատուները:

Արձագանքը	Կլոր սեղան քննարկում: Առաջին օրը՝ Անձի ֆունկցիոնալության գնահատման համակարգի ներդրման ներկայացում և աշխատանքային քննարկում սոցիալական պաշտպանության և կրթության ոլորտի մասնագետների միջև, երկրորդ օրը՝ հիմնականում քննարկում սոցիալական պաշտպանության և առողջապահության ոլորտի մասնագետների միջև, որին մասնակցում էին նաև կրթության ոլորտի մասնագետները:
Քաղաժ դասերը	Կլոր-սեղան քննարկումը շատ արդյունավետ էր և անհրաժեշտ է այդ թիմով շարունակել քննարկումները՝ վերջնական ակնկալվող արդյունքին հասնելու համար:
Հաջորդ քայլերը	1. Ըստ յուրաքանչյուր գերատեսչության կողմից ներկայացված տվյալների մանրամասն ցանկի, լրամշակել և ամփոփել գերատեսչությունների միջև տվյալների փոխանակման փաստաթուղթը/քարտեզը և կազմակերպել աշխատանքային խմբի քննարկում՝ փաստաթուղթը վերջնականացնելու համար 2. Ճշտել տվյալների հասանելիության ժամկետները և միջանկյալ լուծումները 3. Մշակել տվյալների փոխանակման ուղղությամբ իրականացվող միջոցառումների ցանկ և նշանակել պատասխանատուներ 4. Ներկայացնել առաջարկություններ կրթության և սոցալական ոլորտների տեղեկատվական բազաներում օգտագործվող տերմինների համաձայնեցման/ճշտման վերաբերյալ 5. Կազմակերպել հանդիպում-քննարկումներ Առողջապահության ազգային ինստիտուտում ձևավորված ՀՄԴ-ՖՄԴ աշխատանքային խմբի հետ 6. Աշխատանքային քննարկման արդյունքները ուղարկել համապատասխան գերատեսչություններին՝ վերջնական դիրքորոշում ներկայացնելու համար:

Աշխատաժողովի ամփոփ հաշվետվություն

Բացման խոսքով հանդես եկան ՀՀ աշխատանքի և սոցիալական հարցերի նախարար տկն Բաթոյանը, Հայաստանում ՅՈՒՆԻՍԵՖ-ի ներկայացուցիչ Տանյա Ռադոչայը և Հայաստանում ՄԱԶԾ մշտական ներկայացուցչի տեղակալ Միհայելա Ստոյկոսկան: Նրանք կարևորեցին ԱՀԿ ՖՄԴ հիման վրա ներդրվող անձի ֆունկցիոնալության գնահատման համակարգի ներդրման գործընթացը և ողջունեցին կլոր-սեղան քննարկման նախաձեռնությունը՝ «Նոր որակ է ձեռք բերվում, երբ մարդիկ հանդիպում և կիսում են իրենց գաղափարները: Գործընկերությունը հաջողության գրավականն է»:

ՀՀ ԱՍՀՆ ներկայացրեց Անձի ֆունկցիոնալության գնահատման համակարգի ներդրման առաջընթացը, հրատապ հարցերը և հետագա քայլերը: Այնուհետև ներկայացվեցին Հայաստանում հաշմանդամություն ունեցող երեխաների վերաբերյալ տվյալների առկայությունը և տվյալների փոխանակման բացերը, Կրթության առանձնահատուկ պայմանների կարիքի գնահատման արդյունքների արձանագրման գործող և առաջարկվող մեթոդների համեմատությունը:

Երկօրյա աշխատանքային քննարկումների ընթացքում ՀՀ ԱՍՀՆ, ԿԳՄՍՆ և ԱՆ ներկայացուցիչները ներկայացրեցին disability և ԿԱՊԿ գնահատման տեղեկատվական համակարգերի և e-health տեղեկատվական համակարգի հիմնական գործառույթները և հետագա զարգացումները: Քննարկվեցին տվյալների փոխանակման հնարավորությունները, լուծում պահանջող խնդիրները, իրավական դաշտում անհարժեշտ փոփոխությունները և համագործակցության շրջանակները:

Հանդիպման մասնակիցները նշեցին, որ ԷԿԵՆԳ-ը շատ հեշտացրել է միջգերատեսչական տեղեկատվության փոխանակման հարցը:

ՀՀ ԱՍՀՆ և ՀՀ ԿԳՄՍՆ միջև քննարկումների արդյունում արձանագրվեցին.

Լուծում պահանջող խնդիրներ.

- ✓ Հստակեցնել և համապատասխանեցնել կիրառվող հասկացություններն ու տերմինները, որպեսզի բոլոր համակարգերում օգտագործվի նույն տերմինաբանությունը:
- ✓ Իրայանացնել գնահատման գործիքների և մեթոդների վալիդացիա:
- ✓ Իրայանացնել ԿԱՊԿ գնահատման գործիքների վերանայում, ֆունկցիոնալության նկարագրի ձևի հաստատում:
- ✓ ՄՀԱԿ-ը ունի e կողերի գնահատման հստակեցման աջակցության կարիք:
- ✓ Անհրաժեշտ է երեխայի գործունեության և մասնակցության d-կողերը գնահատող գործիքների վերանայում և վալիդացիա:
- ✓ Երեխայի բժշկական փաստաթղթերը կամ աշխտորոշումը, հաշմանդամության մասին տեղեկատվությունը հասանելի լինի կրթական համակարգին, սակայն պահպանվի էթիկայի և անձնական տվյալների գաղտնիությունը:

Իրավական ակտեր.

- ✓ Կատարել փոփոխություններ «Հանրակրթության մասին» ՀՀ օրենքում՝ համապատասխանեցնելով կրթական համակարգում երեխայի ԿԱՊԿ կարիքի գնահատման արդյունքների արձանագրման հետ, ֆունկցիայի սահմանափակումների փոխարեն ներդնել ֆունկցիոնալության սահմանափակում:

- ✓ Հստակեցնել ֆինանսավորման բարձրացված չափաքանակը, ըստ ծառայությունների և կարիքի, անհրաժեշտության դեպքում մշակել նոր կարգ:
- ✓ Հստակեցնել իրավական ակտերում գնահատված կողերի վաղեմության հարցը:
- ✓ Դիտարկել միջգերատեսչական հարթակում որոշումների ընդունումը ոչ միշտ հիերարխիայով կազմակերպելու, այլ նաև հորիզանական տարբերակով իրականացնելու հնարավորությունները:

Տեղեկատվության փոխանակում.

- ✓ Կրթական համակարգին անհրաժեշտ է.
 - տեղեկատվություն երեխայի ֆունկցիոնալության սահմանափակման աստիճանի, սահմանման ժամկետի, վերագնահատման օրվա մասին՝ նրա ԱՌԻՊ-ը ճիշտ մշակելու համար:
 - տեղեկատվություն երեխային, ծառայությունների անհատական ծրագրով երաշխավորված միջոցառումների, աջակցող պարագաների, ինչպես նաև ստացած ծառայությունների մասին (Երեխայի բացահայտված կարիքը փոխանցել ծառայությունը մատուցող գերատեսչություն – ապահովել հետադարձ կապի հարցը):
- ✓ Անձի ֆունկցիոնալության գնահատման համակարգին անհրաժեշտ է.
 - ԿԱՊԿ անցած 3-18 տարեկան երեխաների կրթական հաստատության տվյալները, ԿԱՊԿ գնահատման սկիզբը, ավարտը, եզրակացությունը, գնահատում իրականացնող թիմի կազմը, ԱՌԻՊ-ը, ֆունկցիոնալության գնահատման բնութագիրը և դիտարկվող ժամանակաշրջանում տրամադրված ծառայությունները:
 - 18-25 տարեկանների կրթական հաստատության տվյալները, Ուսուցման կազմակերպման համար անհրաժեշտ պայմանները՝ կարիքը և առկայությունը (Բրայլյան գրքեր, հարմարեցված միջավայր, հարմարեցված ուսուցման գործընթաց և այլն):

Քննարկումների արդյունքում որոշվեց.

- ✓ Մասնակիցներին տրամադրել Կիպրոսի փորձից ստացված գործիքների ցանկը:
- ✓ Մշակել յուրաքանչյուր ոլորտին անհրաժեշտ տվյալների մանրամասն ցանկը և ներկայացնել մասնակիցներին, որից հետո կազմակերպել լրացուցիչ քննարկում հստակեցնելու ներկայացված տվյալների փոխանակման հնարավորությունները, ժամկետները, պատասխանատուներին ու գործընթացների օպտիմալացումը:

ՀՀ ԱՍՀՆ և ՀՀ ԱՆ միջև միջև քննարկումների արդյունում արձանագրվեցին.

- ✓ e-health տեղեկատվական համակարգի մշակումը մեծ առաջընթաց է գրացնել, ներդրվում է ՀՄԴ-10, ՀՄԴ-10 PCS և LOINC կոդավորման համակարգեր: Մշակվել է առաջիկա 3 տարիների զարգացման ծրագիր, որի ընթացքում ամբողջ առողջապահական համակարգի տեղեկատվությունը հասանելի կլինի առ-ցանց: Յուրաքանչյուր քաղաքացի կունենա իր էջը և կարող է մուտք գործել նույնականացման քարտի միջոցով:
- ✓ e-health համակարգը պատրաստ է տեղեկատվություն փոխանակել, եթե հստակեցվի պահանջվող տեղեկատվությունը և քննարկվեն հնարավորություններն ու հասանելիության ժամկետները համապատասխան մասնագետների հետ:

Տեղեկատվության փոխանակում.

- ✓ Անձի ֆունկցիոնալության գնահատման համակարգին անհրաժեշտ է.
 - 0-2 տարեկան երեխաների վերաբերյալ e-health համակարգում առկա ամբողջ տեղեկատվությունը:
 - Ուղեգիր հաշմանդամության գնահատման համար, որը ներառում է անձի հիվանդության պատմությունը, օբյեկտիվ զննման արդյունքները, նյարդաբանական վիճակը, հենաշարժական համակարգը, լաբորատոր և գործիքային հետազոտությունների արդյունքները, հիմնական հիվանդությունը (ըստ ՀՄԴ կոդերի, ֆունկցիայի խանգարման տեսակը և աստիճանը), ուղեկցող հիվանդությունները (ըստ ՀՄԴ կոդերի, ֆունկցիայի խանգարման տեսակը և աստիճանը):
 - Տեղեկատվություն ԾԱԾ-ով առողջապահական միջոցառումների մասով իրականացված ծառայությունների մասին:
- ✓ Առողջապահության համակարգին անհրաժեշտ է.
 - տեղեկատվություն անձի ֆունկցիոնալության սահմանափակման աստիճանի, սահմանման ժամկետի, վերագնահատման օրվա մասին:
 - տեղեկատվություն անձի ժամանակավոր անաշխատունակության մասին:

Քննարկումների արդյունքում որոշվեց.

- ✓ Մշակել յուրաքանչյուր ոլորտին անհրաժեշտ տվյալների մանրամասն ցանկը և ներկայացնել մասնակիցներին, որից հետո կազմակերպել լրացուցիչ քննարկում հստակեցնելու ներկայացված տվյալների փոխանակման հնարավորությունները, ժամկետները, պատասխանատուներին ու գործընթացների օպտիմալացումը:
- ✓ Առողջապահության ազգային ինստիտուտը ՀՀ ԱՍՀՆ-ին կարող է հնարավորություն տալ դիտելու e-health համակարգի փորձնական մոդուլը:
- ✓ Կազմակերպել հանդիպում-քննարկումներ Առողջապահության ազգային ինստիտուտում ձևավորված ՀՄԴ-ՖՄԴ աշխատանքային խմբի հետ, հստակեցնելու հետագա ավելի արդյունավետ աշխատանքի հնարավորությունները և ժամկետները: